

體東西交媾滅三彭木金廝仗盤桓處嬰姤相隨自在行結就
金丹出頂上五光射透絲雲棚

喫酒賭錢

心遊閑散樂浮華放肆開懷是產涯飲酒莫教離孝順賭錢休
要壞居家道門好入時時重王法須遵可可奢平等能行方便
事也教隨我伴煙霞

學士勸學

宰予晝寢不堪看惜取光陰倦睡餐糞牖勤勞非取辱茅堂修
進敢求安隔窓映雪心常樂閉戶懸頭性自歡大志不須持一
寶孫公正好學倪寬

道藏輯要

重陽全真集

三

下胃集一

問曉達

搜開本有自分明放出真光滅盡情三寶決然攢正覺一靈何
慮不圓成得通妙用須澄湛會認玄微貴淨清堪做無爲雲外
客長生路上步前程

自述

殷紅瑪瑙闌中懸清靜玄中在眼前便把瑠璃安甲室更將琥
珀頓庚田四般珍寶牢收取三耀光中謹密傳此法得時空外
去彩霞深處步金蓮

問生死

常常知足善縱橫莫要深深戀火坑性上分明開兩路午前認